



ԱՌԱՋՆՈՐԴԱՐԱՆ ՀԱՅՈՑ

Ա.Մ. ՆԱՅԱՆՎՆԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: info@westernprelacy.org Website: www.westernprelacy.org



ԱՌԱՋՆՈՐԴ ՍՐԲԱՉԱՆԸ ԸՆԴՈՒՆԵՑ ՄԻԻԹԱՐԵԱՆ ՀԱՅՐԵՐՈՒ ՎԱՐԺԱՐԱՆԻ ԱՇԱԿԵՐՏՆԵՐՈՒ ՈՒ ԴԱՍՏԻԱՐԱՎԿՆԵՐՈՒ ԱՅՑԵԼՈՒԹԻՒՆԸ

Ուրբաթ, 3 Դեկտեմբերի առաւօտուն, Միսիթարեան Հայրերու Վարժարանի վերին կարգի աշակերտները, առաջնորդութեամբ վարժարանի տնօրէն Տիար Յովհաննէս Խոստեղեանի եւ դաստիարակներուն, այցելեցին Ազգային Առաջնորդարան եւ դիմաւորուեցան Թեմիս բարեջան Առաջնորդ Բարձր. Տ. Մուշեղ Արք. Մարտիրոսեանի կողմէ: Առաջնորդ Սրբազանին կողքին էին Ազգ. Առաջնորդարանի Զրիստոնէական Դաստիարակութեան բաժանմունքի վարիչները՝ Գերպ. Տ. Միւռն Ծ. Վրդ. Ազնիկեան եւ Յոգշ. Տ. Պարթեւ Վրդ. Կիլիկեան:

Առաջին հերթին, աշակերտները Ազգային Առաջնորդարանի «Ս. Տրդատ եւ Ս. Աշխէն» մատրան մէջ աղօթքի պահ մը ունեցան. «Առաւօտ Լուսոյ» եւ այլ շարականներու երգեցողութենէն ետք, աշակերտները եւ ուսուցիչները համախմբուեցան «Տիգրան եւ Չարուհի Տէր Դազարեան» սրահին մէջ, ուր խօսք առին վարժարանի տնօրէնը, Հայր Պարթեւ եւ Առաջնորդ Սրբազանը, իսկ վարժարանի աշակերտները ներկայացուցին գեղարուեստական կոկիկ յայտագիր մը:

Վարժարանին տնօրէնը՝ Պրն. Յովհաննէս Խոստեղեան, Առաջնորդ Սրբազանին ներկայացուց աշակերտները, նշելով, որ Ս. Ծննդեան տօնի նախօրեակին, Ազգ. Առաջնորդարան եկած են իբրեւ ուխտաւորներ, փոխանցելու բարեմաղթութիւններ: Ան նշեց, թէ աշակերտները մաս կը կազմեն հայութեան նոր սերունդին, որ ժառանգորդն է մեր պատմութեան, մշակոյթին ու պատմութիւն կերտած հայրերէրուն՝ Մեսրոպ Մաշտոցի ու Վարդան Մամիկոնեանի, որոնք ճգնեցան ու պայքարեցան ի խնդիր հայրենիքին ու հայութեան պահպանման: Ան հաւաստեց, որ այս պատանիները պատրաստ են շարունակելու մեր հայրերէն աւանդ թողուած երթը, առաջնորդ ունենալով մեր հերոսներուն ու պատմութիւն կերտողներուն օրինակը: Ան խնդրեց, որ Առաջնորդ Սրբազանը իր օրհնութիւնը շնորհէ աշակերտներուն:

Աշակերտները երգեցին «Կիլիկիա»ն ու Հայրապետական մաղթանքը: Հայր Պարթեւ սեղմ կերպով բացատրութիւն տուաւ Ազգ. Առաջնորդարանի

աշխատանքներուն, առաքելութեան, մատրան ու առհասարակ հայութեան քրիստոնեական յատկանիշներուն մասին:

Այսուհետեւ, Առաջնորդ Սրբազանը իր պատգամը ուղղեց աշակերտներուն. ան ողջունեց դաստիարակներն ու աշակերտները, դրուատեց անոնց գեղեցիկ երգեցողութիւնն ու վստահութիւն յայտնեց, որ անոնք դպրոցին մէջ կը ծանօթանան մեր պատմութեան ու ազգային աւանդներուն: Առաջնորդ Սրբազանը վեր առաւ Մխիթարեան Հայրերուն ազնիւ դերակատարութիւնը՝ մեր մշակոյթին ու հաւատքին պահպանման մէջ, ապա նաեւ խօսեցաւ հայութեան քրիստոնեութեան դարձին բերած բարիքներուն եւ հաւատարիմ քրիստոնեայ հայեր ըլլալու հրամայականին մասին: Ան մաղթեց, որ Ազգ. Առաջնորդարան այս այցելութիւնը բարի յիշատակներ արձանագրէ աշակերտներուն սիրտերուն մէջ, եւ անոնք ըլլան հայութեան երթը շարունակող արժանաւորներ:

Առաջնորդ Սրբազանին փափաքով, աշակերտներն ու դաստիարակները բարձրացան Ազգ. Առաջնորդարանի դահլիճը, ուր տեղի ունեցաւ մտերմիկ հանդիպում: Առաջնորդ Սրբազանը աշակերտներուն բացատրեց, թէ դահլիճը Ազգ. Առաջնորդարանի պաշտօնական հիւրասրահն է, ուր կը դիմաւորուին նաեւ պետական ու պաշտօնական անձնաւորութիւններ: Ան մաղթեց, որ աշակերտները եւս ապագային դառնան ականաւոր հայորդիներ ու արժանի ժառանգորդները ըլլան մեր այժմու ծառայողներուն:

Առաջնորդ Սրբազանը նաեւ աշակերտներուն բացատրութիւններ տուաւ այն թանկարժէք իրերուն մասին, որոնք կը պահուին դահլիճին մօտակայ ապակեդարանին մէջ. հոն գետեղուած են հայրենիքէն բերուած մասունքներ, ինչպէս նաեւ Յեղասպանութեան շրջանին փրկուած արուեստի գործեր:

Հրաժեշտէն առաջ, Առաջնորդ Սրբազանը Տնօրէնին ու դաստիարակներուն յանձնեց յուշանուէրներ, իսկ աշակերտներուն յանձնուեցան Ս. Ծննդեան տօնը խորհրդանշող պատկերներ: Աշակերտները նաեւ ծանօթացան Ազգ. Առաջնորդարանի տարբեր բաժանմունքներուն, եւ գեղեցիկ յիշատակներով վերադարձան դպրոց:

MEKHITARIST FATHERS' SCHOOL STUDENTS VISIT THE PRELACY

On the morning of Friday, December 3rd, students from the Mekhitarist Fathers' Armenian School visited the Prelacy, accompanied by Principal Mr. Hovannes Khosdeghian and teachers.

Upon their arrival, the students were greeted by H.E. Archbishop Moushegh Mardirossian, Prelate, and Very Rev. Fathers Muron Aznikian and Barthey Gulumian.

The students were led to the "St. Dertad and St. Ashkhen" Chapel where they participated in morning prayers.

The students later headed to the "Dikran and Zarouhie Der Ghazarian" Hall where a program took place. Remarks were delivered by the Prelate, Fr.

Barthev, and the school principal, and the students presented a cultural program.

Principal Khosdeghian introduced the students and noted that they had come to the Prelacy to exchange good tidings and well wishes as we approach the Christmas season. He noted that as the heirs of our forefathers St. Mesrob Mashdots and Vartan Mamigonian who dedicated their lives to the defense and advancement of our nation and heritage, the students are ready to continue their legacy and dedicate themselves to the progress of our nation. In conclusion, he asked for the Prelate to bless the students.

The students sang the Cilician and Pontifical anthems, after which Fr. Barthev briefly explained to them the endeavors and mission of the Prelacy.

The Prelate welcomed the students and administrators, and commended them for their performance. He lauded the contributions of the Mekhitarist Fathers in the fostering of our faith and culture and also spoke of the virtues of our Christian faith and the importance of living our lives as faithful Christians.

The Prelate then invited the students to the reception room where a discussion took place, after which they headed to the lobby to view the display of antiques brought from Armenia and some of which were rescued during the Genocide.

At the conclusion of the visit, the Prelate presented the Principal, teachers, and students with mementos.